



董叔魚小傳

孫時宜纂



董大倫字敷五一字疇叙以第五倫號伯魚又字曰叔魚文友先生次子也生四歲而孤又二年鄒太夫人令其就塾讀書必數十過始成誦塾師以魯目之然所誦習輒記憶且通曉大義其外舅莊天覺先生謂人曰此子必能讀父書者及長偕兄漢求執經於虞山湘靈錢先生之門角藝於東圃書堂者數年遂工詩及舉子業年二十受知於吉水李學使補弟子員以貧故客遊山左己巳秋抱病南歸盡鬻先人所遺田畝以供藥餌猶不足歲庚午兄漢求以羸疾天叔魚自傷影隻病益篤

遽與兄相繼下世俱乏嗣死時年三十六嗚呼古稱詩能窮人以故東野貧長吉天方干羅隱孤魂及第有一於此人猶冤之叔魚兼茲數者又卒無嗣此余所以三復其詩而泣然不知涕之落也叔魚與余爲中表嘗偕讀書於莊氏之耐齋一燈熒熒終夜不寐凡正誼堂所藏書卷口沫手胝無不點竄塗抹病中以後漢書易藥餌俗人病其殘弗鬻其詩出入中晚兼宋元諸名家之勝所著梅坪集幽刻雋永尤工咏物臥病時太夫人禁其苦吟而中心養養見獵彌喜枕函牀第間私置筆硯得句輒蘸墨書之冢宰商丘宋公頻餉葠藥蓋憫之也西林陳先生序其詩謂叔魚以苦吟嘔心疾病且死余雖禁之不能力余不能無罪焉雖然叔魚之死不盡以詩也或曰造物所忌者名叔魚脫不能詩名不傳其死或不若是亟嗚呼亶其然乎

梅坪詩鈔卷一

武進 董大倫 叔魚

芷園先生王嗣衍閱定 山陰孫 謙椒圃氏選

和東坡聚星堂雪

十日樓欄戰枯葉北風獵刺打南雪盤空作陣眯殺人
白項老鴉叫不絕董生蝟縮不能那酒量頗加詩思折
山橋冷眼送蹇驢蹄道如杯後先滅意間忽摹范寬圖
百尺寒松手中掣生憎夾浪雨若絲遮莫裂氷花似纈
連斟撇醕恣吟賞榭榭煨殘添炭屑環看四字俱沉沉
抹地掀天徒一瞥做瞑尚關漁子愁稍晴先與梅花說
城南半角景絕奇拄過前灘煩老鐵

燕

雙影瞥簾空匆匆柳外逢自依人宇下誰謂爾泥中語
徹一梁月愁禁半剪風拮据家計了閑掠百花叢

阻雨祁邨卽事次芋莊韻二首

蜀花小院花深深留我日聽無絃琴不妨盤醞太狼藉
頗覺簾幙宜陰沉疎風却趁乳燕舞稍晴已縱游蜂吟
擲杯又欲放船去欸乃一聲山水音

苔花春水綠無痕細雨無端漫一村載酒樵青來弄艇
烹茶阿段去尋源乍成詩帶鶯喉澁漸熟情添燕語溫
坐久竹梢涼月上野香亭子又黃昏

題馬將軍松下觀濤小照

道裝橫琴
傍坐孫某

水泉瀲灩漱石齒虬枝盤蹙騰蒼兕中有老子橫漆琴
風振秋濤塵十指開卷問訊誰何氏豈尋赤松偶到此
蒼蒼風骨類巉巖歷歷鬚眉鑑清泚苔牀蘚磴澹生活
藤帽棕鞋閑料理攬身况入蘇門翁獨絃胸中叅妙旨
哂然一嘯川谷驚犇湍失聲咽山觜苦我生來辦兩耳
手爪不解宮與徵畫師畫師吾語汝坐我松根剝松子
端四日白雲溪卽事次元人顧阿瑛白雲澹韻
白雲淡白雲淡小船坐我雲中心燒錢酌酒大作社仰
頭叫噪漫天陰登時排雲若開牖日色酒光融一斗弄
潮艇子往復來撇似乘帆下白狗魚龍掀淖雲濤裏鷗
鳥頻頻帶波起不愁顛落白雲尖平放瀟湘半江水酒

梅坡詩集卷一
軍荼戰紛起戈蘆中索句訓羊何歌聲細旋遠風至與
我笑語相攙和催歸催歸莫絮絮且趁桐花流水注長
年三老問何之只在白雲深處住

天台題示特瀛姪

天台僻在亂山深萬壑千巖夢未經又累吾家窮大令
替他仙子作居停

桐帽襖衫卸一時坐來罷賭竹間碁衙齋面面秋山綠
斑竹簾深聽畫眉

三載煙霞鋤疾深感君發藥起沉溘明朝飽喫青精飯
自把山鋤劬茯苓

探奇分日度嶙峋馳檄山靈仗使君七尺孤藤須努力

相陪躡破萬重雲

中秋浣花席上分咏

梧桐子

梧子輕圓剝滿罌都將珠子浪猜評幾番疎雨催將老
一片秋心結得成憶昔繡花空有意到今題葉不勝情
只贏酒椀茶甌畔消得青琴三數聲

菱

今年雨足喜平溝蘆墅鮮菱也倍收淺港嫩翻連鴨舌
盈筐熟剝並雞頭鄰娃照水爲明鏡稚子携盆當小舟
不記別來楊柳外碧煙歌斷晚悠悠

青豆子

未落成莢好作羹山田采采趁秋晴厨娘斟酌鹽花點
野老料量芋葉盛雅稱木樨筍味美最宜白稻粥香清
配他紅豆江南熟只苦相思寄不成

佛手

兜羅妙相與誰傳特令人叅指上禪休訝麻姑初試爪
浪猜鉤弋未開拳殷勤接引攤書地依約提撕繡佛前
香月一龕秋一榻未妨消受散花天

瓜子

我亦年來學種瓜壺蘆乞子作生涯借成草草拌匱具
弗事紛紛餽匄家幾番猜枚消夜酒偶然閑話試秋茶
巴童明日添公事不獨階前掃落花

星聚堂觀雪再次東坡聚星堂禁體韻

冬青半月不見葉舊雪梢頭壓今雪江天迷漫望不到
咫尺亦愁門徑絕客來掀却頭上笠抖擻階簷滿衣折
衝筵酒力欺欲薄過竹茶煙烘不滅是誰白戰凌虛空
似有號令中天掣醉客捏獅呵手紅癡兒刻人添面纈
苦我抹眊眊不正祇憐著鬢風騷屑綿綿細意相周旋
睽睽輕容剛打瞥野田食絕老烏號淺幔衣寒鸚鵡說
夜闌就宿凍欲僵兩脚戟交如削鐵

次虞山錢湘靈師見示原韻感懷書事兼送師
還虞山

手捧新詩涕泗交竟歸無計與招要杖隨周史難甦甲

車過曹公倍感橋原詩有感倫父兄之間宿草春生都昔夢寒梅

愁絕是孤標他時待坐如言志但博青山可採樵

雪晴簷角鳥交交鷗自尋盟不待要幾處春風節竹杖

一泓秋水浣花橋莊氏連舉浣花會人於白傅屏中畫句向張

為圖裏標自有水雲無限意未須喫緊問漁樵

月浸微泉樹影交一庭衰草類荒要當年燕守尚書墓

今日烏啼御史橋侍御公厝處即湘公所云月照吟箋御史橋也歌管暗暗憑

鳥呀詩牌草草借花標居停重叠傷心事周樸吟成語

負樵

刺促車停二月交歸堤鶯語坐相要梅應索笑新茆屋

新移居柳自銷蒐舊板橋取酒難憑詩作券賣文却信草

為標何年買笏虞山地來伴天隨賦十樵

贈別錢六虞山師養子

人著東風思渺茫落燈時節倍郎當竹軒藤几相逢好

權把梅花比六郎

巾車能御喜春晴夫子觀風過武城不是陶家四五輩

却將籃輦累門生

卜居如傍浣花湄定有梅花人日遺苦笑詩家窮弟子

將詩折竿草堂貲

劍門崩劣青如削吾谷蕭森翠欲頽欲趨琴川流水去

愁聽一曲泣顏回謂亾兄

我亦拋家走浙東開帆擬趨麥花風歸程定取中山醉

須及漫山楓葉紅
行窩簇酒又分茶
裙屐紛紛盡日譁
此後微泉更寥落
一庭愁殺杜鵑花

莊雲襄丈席上贈松江錢崑河

春晴闖酒寤言堂
忽漫相逢喜欲狂
一笑掀髯都爾爾
十年回首兩茫茫
自來萍影都無定
此去槐花又著忙
時就北試且索主人重洗盞
與君對飲話滄桑

送玉川之楚

半帆明月洞庭賒
耿耿愁人天一涯
去路江干饒柳色
到時笛裏落梅花
峽雲夢影棲無數
湘草燈痕漏一些
三楚憑陵多感慨
拈杯須醉賈長沙

四月九日卽事同芋莊學人賦

自春之去十日慳
濛濛煙柳低眉彎
南風初來不解事
但催新笋齊屋山
此時垂頭意彌耿
閉關煩有黃鸝請
強來港口踏落紅
遇我好友橋之東
顧我一笑向我指
不見林端酒旗起
雙壺買醉鶯粟花
一櫟嘗新蠶豆子
乃知春去頗不惡
何必春歸愁欲死
歸來蕭爽換頭目
卍字闌前衫袖禿
啁啾小鳥話夕陽
梧葉森森簾子綠

題龔節孫種橘亭

莫笑荆南老灌畦
幾多奴婢媚幽棲
新圖的的禁紅重
舊接森森攢綠齊
明月灣頭刪不去
浣花溪畔到應迷
還愁楚頌亭三字
除却髯蘇若箇題

窄窄樓亭矮石闌碧香淡處肯拋殘嗚他奴輩邀封號
怪爾園丁得好官盡日短箋臨逸少揭來小賦愛潘安
外邊大許那知此一點黃金鑄與看

長廣溪續夢中句

并引

昔年夢至一處水木明瑟山村澹宵輒成一詩醒
記其落句云早晚買魚沙嘴熟輕陰小櫓蕩花歸
丙子首夏舟過吳門迂道過橫山之長廣溪恍然
夢境因續成之

水香嵐色記依稀夢裏盟鷗請息機風綽湖光飜酒旆
日沉山影壓漁扉何年一舸乘清瀏就此孤村結翠微
早晚買魚沙嘴熟輕陰小櫓蕩花歸

泊太湖口

舟人挽舟尋酒酤坐我菰蒲看遠湖不知白雲自來往
但見青山頻有無叢叢沙草沒煙艇子子水樹啼風鳥
籬根岸仄不可上賴有眠柳相攙扶

謁宋大中丞漫堂先生卽席四章

梅花標格領春風清絕綿津寫碧空連擁節旄江左右
似拈吟筆灑西東問心雅羨魚游樂計口新蠲鶴料豐
畫戟森森鈴語靜吳天煙雨盡元功

空山憔悴負薪人幾許關情慰問頻昔醉黃公傳已事
今朝白傅認前身失羣鍛鴈聲猶裂學語雛鶯舌未馴
何意浣花呈一紙得逢開府道清新

時呈浣花課
蒙許清新

小滄浪上小盤桓境地蕭疎禮數寬隸酒初擎荷葉淺
官厨猶點棟花寒墨君習靜依書幌石丈勾閑伴釣竿
一種衙齋好風景外邊傳作畫屏看

吳尾吳頭歌思清些些寸草荷春晴荒莊五桂今飄落
丁亥巳丑寒宗售者五人皆出相國文康公門下禁院三槐舊列成暇豫鶯花
呈畫苑清平山海固詩城相門出相光青史句借西崑
一拜賡

滄浪亭次宋山言緯蕭集中韻呈中丞公

盤門一角林塘幽古寺之旁餘古丘一泓平浸老樹脚
怪石踞岬如蟠蚪舊傳此水名滄浪上有亭結魚鳥儔
蘇公謝去宋公起風軌陵轢千春秋劫隆氣勢仍故址

縛茆不礙煙雲流橫約跨空接游屐挑帘閃影驚閒鷗
蒼筤翠篠蔽蒙密間有晚笛來漁舟官清政簡得閑暇
捉玉塵子時一游山浮睥睨青不了寄以遠嘯風颺颺
倘憐孺子或可教請呈水調於遨頭

歸舟偶記

桑柳陰森水一窪風吹紫棟打孤艇心情懶似將殘絮
詩句新於乍放花夢中隔竹數家橫畧約迴篙一犬吠
籬笆却看村女溪頭浣蚤有山榴點髻丫

抵家

小別歸來盡室譁悵悵情境似乘槎水天飄泊漁郎夢
花月蕭條燕子家巷口溫風排茉莉墻頭細雨熟枇杷

綿津一卷休輕揭留試山僧廟後茶

題落花游魚圖

誰憐一樹紅稀盡委一溪白小樹頭樹尾閑閑溪尾溪頭擾擾

展開半幅寒煙魚在短蒲淺荇不因幾陣狂風枉啖一春花影

簃簃小尾亂點喁喁細口輕攢何異晴空蕩漾打來蝴蝶成團

從此數聲啼鳩又聽兩部鳴蛙啞破一川萍影無人道是楊花

石塘灣遇雨歸而知爲沈道者所禱詩以酬之

次龔丈介眉韻

連旬野枝啼麥枯不見屋角斑鳩呼忽驚打篷雨脚白起看菴岸雲頭烏農人失喜避冗樹舟子凝望愁迷途歸來得聞其所以題詩直欲方石湖

范石湖有祈甘雨詩

疥蟲

受爾剝膚毒潛蹤何處搜口頭饒月旦皮裏富春秋不少探湯患偏工食肉謀無方掃除此騷動幾時休

燈花

漏盡燈昏欲剔遲淡紅花綴却參差愁吟悄悄落無數客夢勞勞開不知賺得小窗頻放剪防他孤館漫敲棋連番送喜都無准獨背寒檠有所思

雨

朝窗劈炎雲夜窗刮乾電西軒十日晴花焦蝶不戀農
人盼涓滴如渴口空噉秧科裂成塊低田不得佃何來
墨一痕邪許林端見打狂風滿屋作涼雨一片飛檐決
若河逗點大於箭頽然儼吾宇誰家兩歸燕想見村東
南溘溘溝水遍山禽催架犁帶鳴過柳堰

送薛三溫其重遊四明

青山如美人心竟不可著况乃遊四明不等凡丘壑疎
岑二百八岑岑皆秀躍芙蓉插中心頂睽海一勺橫跨
三縣邑客峯虎牙錯威紆幻怪變卽次難捉摸夫君好
心事煙霞疾未霍茲山有姻媾論年肆盤礴日者瞥然

歸痒痒失精魄頗覺住家山泊焉寡歡樂時於矮茆簷
癡坐記崖畧歛若歷一奇騰趨效猿獾客來省寒溫艷
誇勞輔齟君愛青山好青山亦君若晨夕望君還兀兀
跣山脚以故急作裝遲恐爽要約妻孥苦諍詈君意恬
無怍遽學打包僧辦一藤一箬孤身點翠微嫋嫋竹兜
絡下峽啼姊歸前林叫姑惡困就石膚眠飢擷松毛嚼
時屈三伏末驕陽正爛爍衫襦白汗洗皮月赤雲灼渴
唇得均泓兩手代瓢杓嗟哉苦熱行賈勇足不躩青山
喜君至飛湍接芒屨晚黛費描畫晴髻特梳掠作別距
新秋峯腰瘦戍削清蒼骨勝昔窈窕容如昨僻奧恣爬
剔塵俗快疏淪瀝酒尋寒盟青山對斟酌而我恚欲死

獨居感離索緬爾山之窩百族所聚托獵夫瞰綠暗樵
叟跼黃落秋籜木魅走朝嵐野猩躡豈少足音蹙將我
好友攬似我太麤蠢觀山如隔膜佳處了無會但見石
砢砢衝厓突人胸毒蔓格人膊一日野火延煙巒祇存
鄴胡然呈百態倩靨賽閨閣遂令客迷戀絆人若急縛
君山礙湘流李白思鏟却蕝茲幾石片能當我怒矍我
今耨長吟因風寄綿逸遭我惡齮齧山靈得無愕火急
放君歸詎更封雲嶠再拜謝青山前言聊戲囁

秋軒

小軒橫榻近花寮兀坐攤書暮復朝林鳥去時留可意
爐煙飄盡剩無聊青奴作伴淡秋戀黃嬾偎人半午邀

一枕榕陰正清絕打頭涼葉又蕭蕭

夢中得句醒而記爲去秋澄江道中所見也續
上十字

風日淡秋村欒花飄屑屑牧兒斲石根山禽下牛脊

病迫夢中得二十字

雨過羣山分頽雲拉其頂樹隙豁殘陽峯凹墜樵影

四月二十日病更迫鬻東坡詩取藥感而賦此
東學人學人居接坡公所寓孫氏舊宅

偶檢殘書懷老坡堪嗟哀樂一生多汝知我者朝雲妓
彼何人哉春夢婆舊曲不堪芳草遍新愁其奈海棠何
孫氏舊宅有坡公洗硯池手植香海棠視池今猶存而海棠則不可問矣所羸萬古峩眉月

猶在雲尖三尺波

二十一日示峩雪

身世曹騰夜未央
蒼皇行止未料量
一丸斷送烏兒命
百寸摧殘猿母腸
燕子巢空風索索
梨花夢破月荒荒
從今免灑茶山淚
兩樹朱藤吾故鄉

前歲掃阿兄墓有從此三橋驢子背

年年清淚濕茶山之句

風日歎

風靡靡今日泥泥蝶翅初乾
山花嘴可惜春蠶葉滿筐
一絲未吐身殭死身殭死
傾筐底牆頭桑眼碧濛濛
濕風元舊搖簾子

日晻晻兮風呖呖
千芳欲展聞鶗鴂
楓葉當春忽作丹

鵲花後日終成碧
終成碧幾千年
淒淒花塚鶯啼絕
寒食還飄榆莢錢

病小間閱諸公見和婆字韻詩再疊前韻

不斷涼風打竹坡
一番噩夢記無多
危峯飄渺游天姥
大海掀翻拜浪婆
未便絕裾緣母在
已看橫楫奈公何
至誠忽爾回天意
又掣狂飈蕩月波

內子禮斗

梁武

梁武呼荷荷漢成笑
吃吃苦樂到此間
究竟何分別
人生天地間
唯壽福之一懼
有了訖期老釋就
中策假如盤古來
人壽無終極
坐脫與飛昇
言之必慘慄
所以古哲人寸陰抵尺璧
况我賀再生
豪釐必珍惜
打量過冬

春卽次健腰膝哺飯去嬉遊及時傲仙佛

戊寅三日詩

我今生年三十三又屆生辰三月三看看一病歛三載
此中有鬼成癡憨東皇乘令起窮蟄噓植庶類恩胡覃
光天蕩漾日遲緩白駒過隙茲停驂是處朱櫻映門巷
無邊翠柳搖溪潭人方冶遊逐戲蝶我獨僵臥陪眠蠶
神馳痒痒不可耐竟欲放脚行趨趲陡思年時倘不測
化爲烏有今何堪卽今遠處有底惡究竟得失還相參
百年小憇車受軛萬事蹙弛肩卸擔朝朝米鹽婦會計
頓頓魚鴨吾貪婪葎楹煎磬茗椀呷果餌儲向詩囊探
賣書鬻硯屢不給廓然四壁存空豁就中風光正妍好

益蘭茁箭開猶含晝煖狸奴弄閒砌曉寒燕子偎新龕
簷牙花片打床席屋角禽言貽枕函粵上斯已况今日
滿檣晴旭移紅酣山妻媚我爲我壽自治湯餅供瞿曇
稚女鏤桃釘杵厲重撩秀鬢垂鬢白頭老母領叅拜
遞祝好語音誦誦咄哉此樂不易致何苦晨夕憂心悵
快拈健筆破詩戒瞥若出柙奔驚魃古來神奇用韜晦
豈久光怪埋龍潭天平玉汝庸有以董生且臥江之南
一觥要趁獻堂上梨花春釀須開壘

題初夏村莊橫卷和閑字

水足溪岸平翻車掉悠閑山莊但恬然風日開心顏
雨晴日又烈蓑笠總不閑剩有未犁土叱牛來前山

漁叟

老儂棲泊湖中邊橫吹漁笛翦帽偏約開荷葉放船去
趁得柳陰停棹眠小網及時颺斜照短蓑帶雨馱輕煙
得魚剩取易一醉時佩笳簪孤村前

簡唐大靖元

移斑竹榻林深臥把癭楠杯花際嘗君肯愛閑來一話
小梅坪子正風涼

竹夫人和學人二首

憐伊生長在湘濱藤簟紗衾結好因辱愛雅同王大令
受封宜作衛夫人蕭疎性格欹斜慣圓轉身材反側頻
多病維摩許相伴未難嚼蠟視橫陳楞嚴經橫陳嚼蠟

問伊小字喚玲瓏細骨珊珊體自豐入抱不嫌情似冷
相偎方悟色為空那甘改舊隨黃九山谷貶名為青奴乍可從
新嫁陸翁放翁句床空新聘竹夫人只苦秋深同棄扇也隨班女怨
淒風

竹夫人詞八首

彼美其誰似此君相偎竹肉竟難分一宵抱夢西簾下
猶作瀟湘一段雲

玲瓏骨相自天然好向圓通證昔緣應是前身瑣子佛
要人參透老婆禪

也曾瀟灑綠窗前為倚聲名愛穩便不似了鬢柳枝性
日中三起又三眠

尖新纖麗非
魚子思于思
殊不類至人

竹郎相伴已無因。長作人間尹與邢。林下風標誰貌取。人間剛有管夫人。

清絕梅妃較若何。冷然姑射不爭多。笑他擁背溫柔好。

堪與涪翁賽脚婆。

即湯婆

漳蘭盆恰並床前。抹麗毬還攏枕邊。最憶紗幮涼夢醒。渾身月影大如錢。

七里山塘舊聘將。空空妙手鑿乎強。箇中稚子分明見。欲祝孳生倩李娘。

桐花開了定來期。柿葉翻殘歛去時。來去相隨有團扇。當伊小婢謝芳姿。

小醉偶述二首

徐泥作酒壺成窯。誇酒卮佐以新詩句。對以秋花枝。山妻舉案前歡賞。仍嗟咨無乃太折福。貧病非所宜。不如卷之去。摒擋易蓂莢。微爾細君言。吾亦幡然疑。下今而上古。通昔資游思。堯缶舜陶在柴汝。官不奇。玉杯象箸陳中人家見。嗚詎是亾國器。古人嘆胡爲不見下國風。酌兕觥。金疊儉奢惟其人。賤貴惟其時。我今悟物理。區區胡足疵。山妻啞其笑。君言理有之。奈何騁才辨。徒說詩以辭。放盞將醺然。簷風動于思。

一病跨三年。兩脚不襪履。客來只箕踞。賓至蹙跛踣。得酒更駘蕩。摩弄清秋底。山妻苦笑諫。敬慎福之址。怪底此中間。有鬼揶揄爾。婦言不可聽。一時鮮攔抵。下酒兩

漢書從頭並拈起豎子沐而冠乃公跣而洗神物終有
歸爽襟拓千里腹蟠騎牛翁足岸捕魚子至尊不覺頓
高風扇于紀男兒任天真古人容仰止上有歌風臺下
有富春水爲何齷齪輩跼踏天地裡實堪供湯具不堪
作釣餌快哉斯言乎涼颼過吾齒山妻斂衽前夫子徑
醉矣立論迅而詖張本祇爲已一笑倒胡床再謝則吾
豈

梅坪詩鈔卷二

於

梅坪詩鈔卷二

武進 董大倫 叔魚

芷園先生王嗣衍閱定 山陰孫 讜椒圃氏選

秋衾

漸覺單衾冷開箱展疊紋安排温昔夢抖擻晒斜曛擁
處殘燈在蒙時落葉聞鎖幃氲佛手猶替晚香薰

竹夫人去後小玉上牀鋪微之暮秋句小玉上牀鋪夜衾薄似秋雲未

涼禁夜雨無偎愁能委宛緘夢覺糊糝更有纏綿日那
嫌菊枕孤

許三索借書甚迫東付使者

坐擁書城靜掩關髯奴勤索奈吾頑孫吳自是從先誤

借得荊州那許還

放翁句異書
渾似借荊州

梅坪偶詠四首

隱囊

盎然一物昵閑散承頰拄肘教人嬾苦予骨瘦宜軟溫
几榻清幽鎮相欵坐籠紗帽罷棋局靜致羅羅亦可掬
攤書細倚消篆煙自在茶擎一甌足

方響

平時對人語歷落林風振聲若木鐸竭來如瘖手口作
喜吾舌存今有托有時剗塵敲閣閣忙走妻孥前唯諾
不防蠻鳥枝頭愕幾片簷花硯凹泊

籃輦

藤籃新織寬兮綽昇者長鬚與赤脚中堂遼絕同越秦
呶呶來迴日數巡兒童牽挽爭扶送拍手遮留笑成哄
何時放足恣遠游千山萬山一竹兜

行榻

六尺繩床蜷蹙破風日佳哉只無那今朝行榻遷林間
好竹攬先揀幾箇曲肱數盡飛鳥過却畏披披晚風大
歸歟遮莫眠白雲不者月欄花影卧

髭囊二十韻

我髯一何憊積久廢培植日委衣稜磨夜受衾鐵善竟
畦苗荒蕪盈坡竹狼籍不急與護持奚堪此戕賊婁之
且絡之是故有裹帛雅製配繼綫私居媵巾幘空洞一

兜羅週遭四撫拾頓改僮奴裝特賀叅軍飾攀緣上耳
根延袤到胸臆儼縣守口瓶現襲遮須國包荒絕芥蒂
脫穎伺間隙並庇唇齒寒亦藉屏藩力偶爾卸如箝依
舊張如戟喜鬱鬱殊前詫離離過昔養頤固其宜負贅
終非策懽笑掀無從苦哦撚安及雙眉傲展舒纖手拒
摩拏既俾爾烏毼盍縱爾蝟磔于思乎于思偪側復偪
側底作此形模笑殺雲間客

病榻遣秋四首分簡問視數公

扶床學步笑吾能嬾架居然設枕稜病起不禁楓葉冷
涼過猶喜木犀蒸八月熱俗謂木犀蒸醫來刺促收吟篋客至凌
兢試拄藤眼底匆匆辜舊約打量蘆墅又翻菱雲湘士尊每歲

有採菱蘆野之約

幽居岑絕類僧房眉豆陰陰帶淺廊偶爾叩關疑啄木
頻年守戶倩顛當西林老子開詩窟道柔戒予作詩東昨有詩屬和
郭先生闢酒場芋莊全蓼庭移尊至垂死病中思學道一逢佳客
又清狂

苦憶東頭小阮家

謂遠公

探知清課入秋加茶嘗細芥煨

松子硯試澄泥榻韭花往事讓君三笑足近懷憐我四
愁餘全憑好句同驅瘧日午咀吟到日斜示我驅病魔之作

隱囊閑凭矮茅檐憶事懷人得句兼京洛時風猶瑁璪

茂陵秋雨尚廉纖予病始於蓀服被黜時昨接寄詩尚多感憤之句已經淨口

修修利那復關心昔昔鹽偶學天隨飛筆例小箋裁送

白雲尖

學人雲溪草堂在白雲尖

宋中丞公再餉人葑病間次東坡送王定國紫團葑韻誌感

遼海人銜芝品壓太行頂一勺煎清甘活人能駐景我病百不療抄方禿毫穎醫誇三楹功似渴望梅嶺何期藥籠物分辱破廳癭薺芘曷敢淆稀苓皆獲騁初如事驅除宵小靖里境既如行補助陽和溢閭井治病同治民卽次躋安靜恭承首重稽私泐筆載秉山房秋葉鳴鴨脚煨石鼎藥銚急洗滌快試綠雪茗

秋海棠

西風薜荔吹墻頭稀疎籬落開牽牛下有嫣紅乍呈媚

看似姹女初含羞蛩吟對寫亦冷艷苔色傍引皆陰幽
海棠顛號吾自署遮莫秋賞生春愁

題野漁圖卷

軋軋鴉聞沙岬邊一枝柔櫓撇秋煙蘆花如雪唱歌去
此際月明鷗未眠

不寐懷遠公之秦

曉鼓殷輕雷如蟄振羣動迷濛月色留宿鳥未成唳衾
薄起添衣寒氣逼窗縫頗懷西游人此時上征鞚瘦馬
兀秋山落葉打殘夢

送楊古度入都

又指西山襍硯行北風當面拂征塵隴頭霜葉踏殘月

馬首梅花送小春我是凍蠅棲墜戶君看晴隼劇空旻
到時莊助若相訊尚復江濱臥故人

次日閱芋莊道柔送古度北遊長篇復綴一章
并呈道柔芋莊

江南十月北風駛灞橋閣雪待楊子長須徧索詩儼裝
連隊前催走折趾崔峩大篇排空來片赫踈開千百里
長亭短亭儼夢中舊雨今雨忽眼底澁讀令人敝齒牙
毫鋒險浙矛頭米卽今韓孟逞雄怪不過如斯而已矣
唯愁腕力壓燕山瘦馬凌兢馱不起不如董生聊復爾
些微句子添行李

寄天台令家特瀛

天台地僻長官閑翠巘丹崖待我攀一幅臥遊圖入夢
輕兜時度萬重山

三年穩臥底驚覓縣吏催租夜打門洞裏桑麻倘蠲稅
莫教仙犬吠花村

題會稽陳星客抱膝圖

我昔見君蘆花一水間煙波瀾森孤蓬閑

前年有垂綸圖索題

我

今見君梅花兩樹下苔石嶽欹疎竹亞乃知心遠地更
偏楮袍機鞞都瀟洒問君胡不膝上加玉琴胡爲抱膝
兀坐花之陰花寒未放月未沉槎牙疎影橫衫襟此中
有句須酌斟非必効顰隆中吟世人紛紛竊比擬嗚呼
自有北山泉石盟初心作此者誰某寫景寫情俱不苟

維愁霜風峭逼人何當禿鬢加冠巾還愁空山月落差
寂寞我欲膝邊添隻孤山鶴

春半

刺紅數剪垂垂放十五番風過短籬慣是秋千春半候
惱人情緒翠寒詩

步過梅坪

釀花天氣最難憑番暖番寒間雨晴約略風前衫子薄
不應行飯過梅坪

巳卯重三

又過今年三月三薺花天氣換單衫
方言三月三薺菜花兒單布衫羣
修禊事還耽嬾自作生辰且放饒飯後試茶開簞籠雨

餘分菊借花鑿木香棚底成清坐細草如氈不用芟

聞學人患耳疽賦柬

傳君耳畔無端劇似割乖龍大不堪入我聽聞猶可駭
向人消息幾回探嫌汗未免投淵洗惱熱何曾到酒酣
平善只留三日限黃鸝聲好要携柑
見坡公挑耳圖

新晴病遣

溼雲散樹晴未了一鳥兜兜鳴樹杪少焉雨氣收溟濛
出落半簾新綠好鈎簾坐憶城南莊菜花十里鋪鶯黃
鯊魚大上漁戶喜紙鳶爭放村童忙竹笋脫棚柳拆絮
蕙叢挺箭茶抽槍此時拖籐得得去袂衣飄瞥春風香
青鞋布襪容易辦如何振觸徒相望空齋棖觸無所作

目送游絲過窗戶臥聽靈鳩喚屋山我亦晒藥呼阿婦
湘雨上人赴 召行在

夫椒古寺衆峰攢萬頃湖波四折盤 皇帝遠傳停翠

輦老僧權要下蒲團鉢盂沾及天厨潤賜拄杖挑歸御

墨乾當書扁一帶煙巒增氣象拈花應自笑無端

與峩雪

藜牀淹臥憶離羣多謝頻年慰問勤矮紙數行誇近句
粗茶一盞述新聞趁晴步履邀春半冒雨篝燈坐夜分
此際阿誰憑致語棟花風簟正思君

新竹

疎簾清簟正如秋新笋成竿過屋頭解籜風聲猶簌簌

放梢月影已修修携床便要安棋局掃石先宜置茗甌
可囑園丁勤守護須防惡客漫雕鏤

蓮子湯

蓮葍生從閩粵奇紅衣細裹剝遲遲淨儲梅雨盛沙銚

宜天爛煮松風攪玉匙略佐調糜無不可全憑壓藥最

宜頻年饗餐詩脾健慚愧涪翁勸報辭黃山谷有謝蓮

蓮子積兩石許有不給則索之夢
庭學人昨茂實又以十斤餉我

瓦蟹墨瀦戲咏示邵青門時青門有哥窯蟹書

滴詩

崖州石蟹儼然活尖團入手皆咄咄此間胡來阿堵物
髹几彳亍殊髣髴諦觀乃是埏埴出中容一掬之水供

吐沫爾物嵒窳狀粗醜如磬地欲爬沙走文園名號敢
竊取臨池不成八叉手故不酌公子以酒而罰墨汁沃
一斗作詩笑似青門叟一蟹還如一蟹否

伏熱憶祁村

伏熱蟬聲合村翁斷過從判瓜初計畝閣稻小休農水
犢臥清泚林禽棲綠穠茅齋自幽寂低覆竹陰重
判瓜閣稻皆方言

懷菘服

看爾燕雲唾手拏無端鴉鳥見京華人間竟爾橫天塹
世上何曾斷海槎歸夢畫中飛竹葉愁吟書背寄桐花
故人沉臥秋江晚罷讀離騷幾歎嗟

而我相于比駟蚤頻年堪笑可憐蟲殘生已分泥沾絮
逐客寧終浪打蕩惜別一番黃葉雨相思五度落花風
饒君瑁璫終輸爾不是吾儂舊阿蒙

偶乘小舟出郭外

漾漾風輪東復西荒汀雨霎烟淒迷偶沿水柳過灣去
撲鹿隔離飛竹鷄
荻菴青青二里餘淡沲天放芡花舒船牕小睡誰驚覺
柳下溪娘喚賣魚

暮秋卽事

將息秋深節物佳藥奩隨分缺三椀半盂粥煮新蓮子
一椀茶烹晚菊花霜降漸聽蟲語靜天空唯待鴈行斜

儂家九月開爐早煨芋燃糠事已賒

雪夜題惲士尊禪悅詩編

破廬不庇寒如率彼曠野夜窗特探晴瞥面雪花打添
衣駱駝坐冷薄孤燈炮古甃橫凍梅瘦影衫襟寫偶披
禪悅編妙香覺沾惹得非野狐禪枯句皆妖冶頻年結
習除洗心叅般若於茲獲深省三覆難割捨風急斷疎
鐘小寐不遑假明當踏濕去一訪竹尊者

雪中有懷學人公車北上

雨絕凍雲頽駛雪翻屋杪作意攪吟情入戶弄嫋嫋故
人天際去計日蒙陰道瓊車撥幘看齊魯青乍了灞橋
何處邊犯曉人踪少千山歸混茫四矚天地小嗟我縮

如蝟冒絮形容槁白日坐相思冷落梅花老且簇地爐
紅烹茶試鷹爪風簾一欠伸日斷飛鴻杳

晴簡芋莊

三冬雨雪淹頑雲忽開闢遙天碧沉沉剩與一簾隔巡
簷急探梅簷溜餘殘滴小鳥曝南枝寒翎對梳剔時當
接歲除奔迫塞衢術吾廬獨翛然晴曦熨几席微觀墨
氣氲古硯光泐泐詩緇峭唐體畫展冷元筆拾箋與竹
翁芋莊別字竹紆近作底生活小停泥滑乾來劇談一出

賣蔗童子歌有小引

天啓間姑蘇顏佩韋等擊殺璫尉其日江陰李侍
御應昇亦就逮常郡西察院開讀時士民聚觀者

數萬有髮垂肩男子十輩各挾短棍入院大呼殺
魏忠賢校尉士民從之虬聲震天諸尉踉蹌越牆
走匿一賣蔗童子十餘歲撫髀曰我恨極殺我江
南無數好人遂拉一肥尉舉蔗刀斮其片肉擲街
前狗啖之時太守曾櫻彌縫其事故童子姓名逸
不傳拒今七十有五年人無有能道之者城西羊
老翁居院左目擊其說與碧血所載合爲作是詩

康熙庚辰二月

天啓丙寅歲三月魏闖毒熾殲江南姑蘇緹騎奮擊斃
五人膽勇誰驂驪是日江陰李侍御逮常宣讀將開函
黃頭紅靺瞋目立萬人疾視徒耽耽誰何少年約十輩

魁肩髻髮垂鬢髮夥移大衆共撲之排闥洶洶騰飛虬
訇天衝突屋瓦震再見楚漢塵章邯最後一童舞蔗出
嚼齧大叫聲訐覃降肛肥尉戴頭竄霍若鷹爪搏雀鶻
蔗刀一斮甜狗口狗如噬矢猶婪酣十步之內血濺地
官吏驚仆成僵蠶滿城士民齊拍手咄咄此子誠奇男
惜哉尉不格一死其事滅沒隨烟嵐顏佩韋等真伯仲
並舉姓氏無人諳我生同鄉志汲古摩挲銅狄心胡堪
試拈生紙當碑碣更借硬筆爲刀鑿哦成庶幾得崕略
傳與好事談謫誦

阿兄橐葬城南三橋里路有古朱藤樹兩株乙
亥年掃墓過此口占有從此三橋驢子背年年

數萬有髮垂肩男子十輩各挾短棍入院大呼殺
魏忠賢校尉士民從之虬聲震天諸尉踉蹌越牆
走匿一賣蔗童子十餘歲撫髀曰我恨極殺我江
南無數好人遂拉一肥尉舉蔗刀斮其片肉擲街
前狗啖之時太守曾櫻彌縫其事故童子姓名逸
不傳拒今七十有五年人無有能道之者城西羊
老翁居院左目擊其說與碧血所載合爲作是詩

康熙庚辰二月

天啓丙寅歲三月魏闖毒熾殲江南姑蘇緹騎奮擊斃
五人膽勇誰驂驪是日江陰李侍御逮常宣讀將開函
黃頭紅靺瞋目立萬人疾視徒耽耽誰何少年約十輩

魁肩髻髮垂鬢髮夥移大衆共撲之排闥洶洶騰飛虬
訇天衝突屋瓦震再見楚漢塵章邯最後一童舞蔗出
嚼齧大叫聲訐覃降肛肥尉戴頭竄霍若鷹爪搏雀鶻
蔗刀一斮甜狗口狗如噬矢猶婪酣十步之內血濺地
官吏驚仆成僵蠶滿城士民齊拍手咄咄此子誠奇男
惜哉尉不格一死其事滅沒隨烟嵐顏佩韋等真伯仲
並舉姓氏無人諳我生同鄉志汲古摩挲銅狄心胡堪
試拈生紙當碑碣更借硬筆爲刀鑿哦成庶幾得崕略
傳與好事談謫誦

阿兄橐葬城南三橋里路有古朱藤樹兩株乙
亥年掃墓過此口占有從此三橋驢子背年年

深夜欲歸褰步障却辜明月過迴廊

咏倒暈牡丹

一種司花信有神潮紅深淺最撩人捧來妃子醒初減
喚出雙文臉未勻絳蠟籠烟憑寄影淡雲烘日替傳真
臙脂十萬錢空費時世眉痕別樣新

坡詩時世新
翻眉倒暈

治圃

小圃闢厨東覓境最閑冷地褊強町畦譬視滕畫井拋
書微雨餘鴉鋤親自秉居然不日成環護笆籬整先期
檢曆頭栽種合時景及茲穀雨過早莧媚盤皿芥薑吐
甲鮮茄科著花靚齋期糝作羹亦以芼湯餅曾與習勤
劬細噉味彌永尙餘瓜豆棚屋角結清暝當風一停竚

柔蔓延衣領咄哉野人居塵慮爲之屏所虞灌溉方僅
得粗領省誰乎老於斯願學樊遲請

短燈檠歌追步昌黎韻贈學人

短檠短檠一尺長夜深焰作孤螢光寒簷照盡讀書子
蟲語唧唧叅悲涼天明形影暫隔絕猶見燈花遺筆牀
怪君已作蓬萊客盤馬天街整歸策開書兀坐舊黃昏
短檠仍接東方白我今頽惰秋風前棲鳥伊啞促晚眠
嗒然一龕聊自恣古佛燈深耿寒翠吁嗟世事大不然
牆角看余短檠棄

牽牛花

新秋破曉推牕紗亂翠潑眼添麻嗒千朵萬朵牽牛花

垂條接蔓相交加鐘鐘底子癡兒誇俗呼鐘奇擊欲摘
斟秋茶曾不崇朝吁可嗟仰睇無計晴暹遮相爾一生
自分非奇葩不與凡百競隆窠亂疆叢棘殘籬笆隨意
蜿蜒如爾家棚有豆莢勝有瓜亦不縱爾閑爬沙偶供
釵朶娛邨媪燁燁風搖雙髻了放翁插髻燁夜深細展
露脚斜流螢燭燭棲其桎帶以淡月涼些些到頭結子
紛如麻瓜萋烏蘇同一車本草下品憑繙查試觀園林
白日爭秋華誰護蕭閑如爾耶吁嗟乎牽牛花一生漫
浪良非差

再賦牽牛花

草叢露重秋曦薄絡緯猶吟壤籬落滴滴牽牛花正開

柴窰翠蓋梢頭閣憶昔祁村讀書處所在根苗恣盤礴
紅蓼黃葵相發揮一簾晴碧窓初拓偶然三日不開齋
裊徧書棚纏筆格每被童搜蟋蟀窠柔蔓寒殘忽舛錯
曉來仍爾細安排葉又羅羅花各各拋卷頻來反袖觀
卽時攔入新秋作吁嗟乎祁村不到五六年牽牛花開
想如昨我今却似此花身到處游行到處縛重吟細把
殊惘然一枚秋蝶還飛落

江上

幾尺烟波寄渺然蝦籠蟹杓去黃緣蕢花風緊當梢順
一葉秋帆掛未全

卽景曾題記惘然瀕堤風定柳絲懸野翁睡足江潮落

紅蓼灘頭閣釣船

澄江寓齋與章聖可小飲頽桐花下分得薇字
江城傲數椽古樹皆合圍一株頽桐花葺葺紅窓扉隔
花設茗厨蠻竹穿煙霏有客剝啄到適慰我調飢清言
佐小酌野菽掐蕨薇於時逗暝色拍拍蝙蝠飛天空江
籟寂透嶺秋月肥露坐怯新涼椀架取熟衣乘酣恣散
步眷別相嘘唏歸來立花影促織鳴空機企脚一吟眺
君山沉翠微

題畫

秋景數峯淨空天兀嶙峋虬松攫明月擺落無纖雲一
龕嵌山坳石垣駁冰紋中有禿髮翁放杖坐雲根深篲

出清溪寒翠流衣裾泐然足吟思幽響如可聞吾詩倘
塵土不堪持正君

臯令北歸索題芍藥幃子

誰歎寫贈將離風花露葉紛披猶認豐臺看罷攜歸一
兩三枝

此花舊屬吟翁寒孟一篇曾記我昔號海棠顛君今稱
芍藥壻孟郊詩芍藥誰爲壻唯應待詩老

題秋林笠屐圖

秋梢滴瀝泥漉漉一徑野風吹澁勒衝烟小扱乾紅衫
戴竹笠子拖木突碟觴何處歸匆匆詫逢儋州禿鬢翁
前灘耐可轉泥淖耳畔如聞竹鷄叫

圖係先伯研堂公
小像先伯閉戶著
書子不失卷性
耽吟詠志廓膚

詞力迫太古制
藝迫秦陰以上
詩物在陶蘊之
間有制藝之稿及
研畫得集行世
叔魚先生原題弓
先伯名諱徒以先
伯性耿介凡事
皆從直道不能與
世浮沉委曲求媚
爰失鄰人之意

與書錢木時遂
削其髣不過以
先伯之名或附驥
尾而傳耳吾聞
好學如之公而溥
既不自附斯文作
此雅舉則顯淑
蘭幽之心雜以妬
忌愛憎之念尚得
云不廢公道乎况
詩文之傳不傳在

九月十二日楊古度齋中賞菊用東坡九日黃樓韻

今年重陽不可說愁霖慘慘風威發快哉茲晨得一晴
尙聽竹鷄叫泥滑城東楊子忽我邀抖擻庭除整巾襪
果能對菊復持觴小戶豈容辭一呷日中諸友俱拉齊
一笑相看同荷鍤紛陳水陸饜老饕頻抹蝟毛饒口殺
詩腸得酒芒角生平勃胸中羅篋剌濡毫洒出三數行
句欲排空天地軋軒然起舞大劇顛無數黃花帽簷壓
須臾客散白雲溪白雲中開秋月驕沿溪小歇漱餘酣
拍拍菰蒲飛野鴨歸來落葉掩蓬牕倒枕猶疑雨聲雪
偶題平原傳壁者

壁者爾何人碌碌更無比借日堂上客不堪耀珠履行
汲又何事賣漿寧爾儔徒然呈醜態笑落美人頭

小至前一日遣懷適姜西溟先生札到

秧薦新鋪覺展舒土爐恬暖愛吾廬愁堪養病良非左
貧得工詩稍自如作惡葉鳴寒月上無聊花放小春餘
初陽將復宜珍重白石先生早致書

大雪過楊仲喈

窮居避喧熱兀若棲巖嶰積雪三尺強平壓茅簷矮推
窗急呼童老梅待拄柺比戶冷無烟薪者得貴買南隣
楊子居竹石倍灑灑疎林靜著花微恚風枝擺笠屐頻
過從肯惜腰脚備况煖酒一鷄兼攜豉半蟹興發共拈

其實際何如耳
自有一空遇合之
數豈一日雌黃
之口此能專擅乎
小人之忌利彼以
為乃我以為至
矣豈不枉身為
小人乎哉

髭歐蘇有程楷白戰俟力竭東風尙排解

梅坪詩鈔卷二終

梅坪詩鈔卷三

武進 董大倫 叔魚

芷園先生王嗣衍閱定 山陰孫 薰椒圃氏選

和芋莊香草堂咏古二首

富春

可念故人情可嫌天子腹歸來漫持竿灘頭先濯足

柴桑

五斗不足戀五株何足愛一覺北窗餘借看折腰態

渡瀟湖再疊東坡九日黃樓韻

瀟湖好景無人說我今抽帆趁前發拍拍沙禽送出浜
眼溜斜陂一篙滑偶然弄水坐船頭的礫跳珠濺袴襪

半湖嵐色洗晴鮮小掬波光碧堪呷時維九月備寒潦
圩岸人家操板鋪慈姑葉爛菱盤消敗葦枯荷最蕭殺
野鷹一對吼西風撇振平沙盤古剎兩三盤子儼瓢小
回往輕橈響伊軋一聲漁笛破蒼煙斷鴻助眇天低壓
無邊落木冷颼颼殘雲補盡秋山鱗幾時汀尾縛茆茨
閑挽竹弓來打鴨襍被蘆花擁背蓬醉聽前溪水雪霽
宿湖村舊讀書處三疊前韻

浜口魚蠻並船說收篷好避顛風發篙人上岸築柳椿
我閑曳步湖陂滑忽得山莊吾昔遊狂走荆榛忙結襪
入門野老喜且詫地爐土茗聊煎呷種成桑棹盡盈把
是我身親携短錘苔牀石磴久不來一坪花竹都閑殺
遍穿籬落坐碌礪隔垞鐘魚來梵剎小橋新漲曲通溝
時有釣車鳴軋軋主人少選薦鮭菜云昨茅柴酒新壓
半醉頽簷尋舊題敗壁詩篇存缺鱸日之夕矣姑止宿
燈火柴門亂鶯鴨頗來村姬倚墻看應怪茅堂人語雪

正月廿六日宋中丞初度

都籃携具向都堂

梅宛陵句

鞠臚容隨父老行江國早梅初

放白戟門細柳已舒黃屏開文讌傳官酒簾靜吟窩裊

賜香卽日海桃花信到春風多在小滄浪

是日遇
驚蟄

都籃携具向都堂淡沱衙齋風日長老鐵寮添佳客到

小坡詩引和人忙

卽事

鶯花南國春仍遍魚麥西陂夢未

忘惟願踏歌聯士女年年借酒祝如岡

舟行偶記

碧沱天光乍放晴柔風曳曳漾波平挂帆細掠鵝肫蕩
轉棹斜穿鴨脚浜並岸僧扉叢竹掩過橋山店野梅橫
殘陽漸沒矻船住得趁磯頭漁火明

舟中陪朱錫鬯先生

接到鴛湖書畫船百花橋畔水洞漩難消竹垞清新句
漫落梅坪小碎箋辱題梅坪散箋並坐一回移柳岸經行數里
曳茶煙匆匆後會復相訂煙雨樓頭三月天

繆叟山居

絕小村墟對具區獨山寒翠撲窗虛雨過崦裏催移竹
水落浜頭看打魚折徑別開新茗所全家渾在古林陔

草衣結束儵然去前路梅花好跨驢

抵銅坑

連朝阻雨眠僧舍半樹寒梅亞石坪今日借晴牽釣艇
一陂春水泊銅坑小依雲壑移人意大坐湖山足此生
微倖殘軀無恙在亂花深處竹兜盛

望馬跡山懷吳大奉軼

夫椒山翠薄煙遮之子幽居近水涯人似孤雲行斷嶺
句如寒蝶弄秋花隨常薦客挑蒲笋一向遲予試草茶
二十三灣風未便愁看波面數峯斜

過漁洋山

湖梢覓渡喚漁蠻天入漁洋別一灣遠樹和煙浮笠渚

亂帆帶雨抹琴山忽來鄰岸水雲外亦有人家花竹間
踏破芒鞋隨野衲落梅風磴打包還

上巳後一日小集奉軼齋頭瓶有緗桃一枝限
桃字

閉門三日雨騷騷池岸新晴漲一篙打盡梨花過冷食
透齊槐葉佐溫淘嬉春有句人誰賞取酒無錢我自豪
不是夫君約相過等閑辜負小紅桃

過奉軼

吳大新齋十笏寬陰陰簾幙棗花寒偶緣行藥拖藤去
得便敲扉借竹看籬角就風遷茗鍤樹根因石置碁盤
坐譚一出夕陽下燒笋仍留佐晚餐

春暮

淡濃新綠正加交白搭閑坡柳徑斜日煖蜂兒羣作活
春淡燕子各當家行來小塢初分菊憶得空山又拍茶
隨手年光殊草草一籬愁對刺藤花

贈暉三臯聞

咄哉暉三吾服膺一龕岑寂如孤僧石徑開殘蛺蝶草
籬門裊徧鴛鴦藤每研竹露點周易亦坐松風繙首楞
翛然此外復何事早晚孤媵鋤一稜

訪奉軼不值

髻几新揩筆硯安藤牀猶置竹皮冠匆匆何處抱琴去
一首陶詩寫未完

一院松陰倩鶴看更無人倚竹欄
干夜來水漲桃花雨
或者雲尖弄釣竿

玉川草堂舉浣花會限浣花二韻

夏景愛淡沲空天色如卵晨著得噓嗑酒食誰見欵開
門遇長須媻媻邀花伴撰辰享杜陵破嬾事中盟到來
樽俎列戶外之屢滿廳堂靜悒悒無藉侑磬筦鞠脰並
陳詩森如束稽稗尙覲飲公福肝肺再湔浣迎神迄送
神屋角雲流緩爐篆一簾斜桐花垂纂纂

私祝肇甲戌凡八更歲華舖歎良有名詩腸困爬沙頻
年余善病佳會多舛差卽今充酒戶不勝一勺柳徒羨
竹紆翁莊芋口犀如翻車厨娘罷多弗改席薦饑花雪甌

響颼颼應景烹梅茶流連破積悶快欲比割瓜不覺暝
色逗栖鳥語嘔啞歸去柳路涼輕颼漾巾紗

送楊青村令新昌次留別原韻

竹風吹簟涼於水打睡北窗正酣美荒落頽垣掩蒺藜
啄屏忽到青村子失驚忙起抹兩眵下床赤脚悞穿履
苦言得官赴宜豐小住家鄉旬日耳此邦近隔琵琶洲
向令重整煙帆幾千里歷歷青山君故人五老蒼顏應
破喜我祖遺風照濯湖徹底泠泠清可指封完銅缶事

足陳餞爾一杯還勗爾

余高祖退齋公令此邑一應取

矣遣使馳還入庫事見尚友錄原次坡公送江公著韻

江西詩派非旁門濫觴直溯柴桑村斷云此事右山谷

晦翁自是窮其源

論文首東坡言詩
右山谷朱子語

多君述作一好手

新詩似繭纒出盆嗟余頽廢不足數論年嬾卧孤雲根
野歌隔林偶賡答漁童樵子真吾昆送君此行賦苦熱
火雲燁燁燔乾坤秋山到縣呈近狀幽鳥散衙遺雜言
何當約我訪梅尉竹兜子去風軒軒

原次坡公餞
楊次公韻

七月廿八日東坡先生忌辰陳子道柔召諸同

輩致祭於白雲溪孫氏宅限眉山二字恭紀二

章

宅今屬方庶常
道柔授經於此

公平館此竟長辭天遣斯文永在茲爾日歸浮滄海遠
今朝來坐白雲遲未嫌外酒斟蕉葉且侑鄉音唱竹枝
細炙沉香薰繡像斗居應傍小峩眉

歷盡崎嶇過百蠻未曾憂患到眉彎一生夢盡吳江冷
千載覓招蜀道難香火傳薪無斷絕詩箋束筍有增刪
假非焚券來溪上投老依然陽羨山

洗硯池三十韻

坡公孫氏寓有石鑿崆峒其稜絕峭利其腹殊降肅諒
非鳥獲任惟公筆可扛厥名洗硯池叩之聲琤縱想公
襍硯來請乞人語隳覲得片赫踈猶足易羊羴塵硯未
得漉如著垢敝褙眼見五尺泓一碧如春江鞞快洗
玩立硯排晴牕由茲錫嘉名籍甚旬愚惹痛惜公北歸
三月停風籬公亾硯應焚存此古石脰忽五六百載過
隙追奔駢餅盆隨盥濯瓦礫相擊撞居然成竈溜見者

心徒憊竭來得所哉境絕足音登小懸笠屐圖清供疑
佛幢娑娑硯池脚都嵌蘭與芷淨刷土花蝕細梳石髮
鬢白溪連白雲灌注驚回瀧颯然涼雨歇緩瀉鳴澗澗
影入秋半輪月削修眉龐恍矚墨頭魚怪石穿浮缸還
嗟老蜀葩摧燒弗遺椿不見水光射紅粧照銀缸我來
樂摩挲病遣興丁雙開簾綠田田借作秋荷缸愛此觴
咏地屋小如吳艤石鼓歌易續石鼎句未降臨池足風
雅千年鎮吾邦

追悼香海棠歌

海棠異產此爲最月月著花如盞大老腔臃腫發古春
破鼻香流數里外帶以盈盈碧硯池傘子紅雲低作蓋

舊傳手植自東坡詢之故老非附會嗟乎坡老芳踪猶
可接一生流浪隨萍合早年曾對紫薇花晚來但寫桃
榔葉到處尋花分日忙海棠憐爾同鄉邑病眼頻揩歎
息看不待花時移步履此間擬作終老鄉操鍾多應百
感集種成乃悟天所賚歷宋元明凡幾代花開花落神
式憑袍笏吾徒宜禮戴誰料孤根刳火遭五百年留一
夢在宛爾移巢載酒天枯楊衰柳愁相對無復梅花作
聘頻空歎梅子嘗新再海棠真一夢梅子欲嘗新坡句東國風流竟斬
然寂寞卅春誰怨懟難得西林好事者一尊請爲花覓
醉我生曾署海棠顛絕賞難逢長自憐前年臥病蒼皇
裏猶遞孤吟到者邊丁丑年病春衫一尺乾未得總爲

判花恨不獨寄言十六番花信再至江南亦枉然吟餘
起覺風騷屑閣筆雲尖催落日舊婀娜處打陀羅蟠窟
根窠猶彷彿再拜先生願乞靈芳種還銜鴻鵠吻生子
銜來

初食芋

八月蹲鴟掘漸多青芒鞋底費接抄未憐雪壓類黃獨
猶惜雨敲同綠荷忽薦一盂香已濫爭擒雙箸滑無邨
早來馬蹟山僧約謂湘
雨折脚鑪煨待我過

與鳧令

之子棲遲處雲溪水閣頭微吟聊過日小病正宜秋展
卷墮黃葉掀簾飛白鷗是間將息好且莫問征裘

淮陰官舍夜渴得茶字

月窗吟罷自嗟呀睡熟鸚哥不喚茶茶房懸一
秦吉了一樣金
籠牢鎖著怪他偏自不思家

樓東

珍珠一斛不須辭次第春風知不知正及海棠初睡醒
梅花零落已多時

馬嵬

海棠睡去何時足空復黃鸝盡意號此際梅冤堪索笑
君王惟對小紅桃

弔孔雀次家平原公韻

瘴水蠻山迷舊途襍褻風景倩誰扶斷冤叫月花同落

別恨埋雲草不枯卽瘞署之後園但博脫籠何惜死却憐窺沼
已成孤金錢徧體等閑看輸與飛飛雙白鳧

卽事賦得桐葉坐題詩

片石桐陰占一枝搯願搖膝坐移時煩襟乍脫秋來早
吟筆頻乾月到遲且和綠蕉書恨字謾拈紅葉寄相思
無端更憶江樓句強半心情似牧之

蒙陰道中口占

轉灣一帶是平蕪癯婦當鑪喘似呼特地回頭語同伴
可能調笑酒家胡

楊梅

開遍烏絨小麥黃楊梅樹樹熟山莊涎垂紫顆堆盈盎

齒沁紅漿怕點裳下酒莫嘲桑甚醉入宮不讓荔枝香
樓東亭北爭相妬風味依稀好細嘗

自笑

自笑年來况味窮絲絲短髻已飄蓬差堪慰我惟紅友
並不憐人是碧翁長夜邀愁消索莫暫時留病護疎慵
詩瓢拋撇知何處辜負花梢幾信風

偶遣

南雲北鴈兩飄搖落托心情不自料草是愁苗禁雨攪
蜂爲吟伴任花邀鑄成杜牧狂何惜繡出平原恨也消
欲問江頭去來路夢中煙景正迢迢

贈赤鬼

蓀服
令子

爾是天家獻瑞來卯君才調定應推此時濠上初營窟
他日燕山擬築臺犬子會邀梁苑去虎兒應共月宮回
著鞭轉眼騰千里未許聲名讓阿堆

燈下

夜長如年真索莫擁鼻支離數更柝一宵風信幾番番
坐守燈花自開落

嘹唳哀鴻天外急愁腸頓向燈頭結冷焰微微似不禁
尖風故爲吹明滅

與月采夜話

回首江天夢已迷今朝多事又重提秋蠅不道能餐墨
春燕如何也泥泥爲我割愁應有劍替他刮目恐無篋

疎枉莫道無中用已博風前一笑齊

嚼雪餐松也療饞強將世味別酸醎侵凌疎忽皆棋敵
束縛顛狂盡酒監此日心知餘短劍從今生計托長鑱
江頭湖尾儘閑曠容得翛然一布衫

閑步大明湖邊

獵獵西風過短橋秋鶯一語送無聊真成薄命惟楓葉
儘耐相思是柳條小雨乍教山杳杳亂雲不放水寥寥
濟南一片江南景端爲離人著意描

席上與趙生

可是鈿蟬老曲師清狂癖唱裊晴絲一聲格轉如鶯滑
伏殺當筵小嫵兒名妓

心灰撥盡淚痕新我是江南薄倖人聽到楚江情一折
丁香枝下一沾巾

夜席

泥飲好春天嘲轟笑語連人圍燈焰直花匝酒巡圓摸
曲偷新拍闌題分小箋累他梁上燕徹夜不成眠

趙霽生招飲南郊卽事疊來韻二首

丁子花開三月天矮箋催促到花前別無生客休爭坐
忽出新詩共簇肩帶雨入林沾酒旆柔風穿竹遞茶煙
此間曾坐江南客爲向闌干細刻鐫

微酣堪抵薄寒天茶椀詩筒取次前倚定棋枰爭一角
拈來葉子鬪雙肩未經綠暗梨飄雪已過清明柳試煙

莫怪東風若刀利花花葉葉是新鐫

歎芭蕉

展簟分箋有幾番入秋無事不闌珊未經雨滴心原碎
一任風繙卷自殘漠漠情懷同棄扇些些紕繆欲凭闌
嗟予也自飄零客獨自愁吟獨自看

懷東楚

紅牙翠管聒清秋丈有孤牕一段愁落葉只禁遊子意
斷鴻如說故人愁陶君形影相投贈白傅心身自唱酬
最是不忘腸斷處頰桐枝下月如鈎

有感

踪跡年來大不聊閉門何處更吹簫
繡闥落魄三重閣

杜牧消覓廿四橋一點青燈仍悄悄無邊黃葉又蕭蕭
多生剩有判花恨幾尺秋衫淚未消

卽席

點燈鋪席夜相呼鍵館容開似放舖火鑠月光無處著
酒熏花態不禁扶戶低易與翻招敵籌并難消且積逋
得趁逃杯歸去早短檠猶漾竹窗孤

秋千

判嬌弄隱蕩春愁新杏梢頭去復留纖柳鶯兒縣柳線
穿簾燕子踏簾鈎袴花綻日渾無奈裙蝶顛風不自由
香褪力微釵半暈曹騰歸臥小紅樓

行飯

行飯東園去溪灣短約橫秋鶯可憐子風柳太憨生趁
竹編花柵依簷結豆棚此間堪倚徙引步忽詩成

花朝初祀浣花先生

飯顆誰嘲大瘦生浣花人與百花新一尊先爲花神壽
今日煩君作主人

牙盤傳說獻神明色色厨娘表至誠偏有小童偷問客
上頭菩薩是何名

爛熟河豚滑玉匙新抽燕笋攪銀絲總然不敵江瑤柱

也要先生一朵頤

用參寥子與東坡論杜語

騷壇儀注薄雷同採取諸生議論中莫笑顛狂詩酒客
居然都是叔孫通

辦香從祀玉溪生禮數推排豈等倫
跋扈飛揚相對飲
商量還捉酒仙人

要眇歌音解侑觴
匆忙舞燕學趨階
前酒食還須設
賜與獠奴阿段嘗

拍張賭酒蠟燈紅
盧雉呼來稱意逢
自有先生驅使在
不愁骰子不玲瓏

是日擲采
無不稱意

百花生日記今辰
歲歲當花進一觥
記取阿儂生日日
也將湯餅薦先生

下會約于上
巳卽子誕辰

訪橫山蕭綱侯留贈

橫山一帶繞橫塘
白豹紅扉記小莊
可怪此間松石意
千年猶媚老蕭郎

送蓀服之虞山次香草生韻

人當小別倍無悰
懊惱雲山三兩重
幾日夢隨雙槳急
多時門借一丸封
柳容先我開眉鎖
鶯意遲君試舌鋒
料理苾鞋并蕉箑
顧家山上漾輕容

端四日玉川初度

歌筵窈窕雜箏琶
那比閑常一部蛙
爛熳戎葵好天氣
要人深勸石榴花
簇簇菖蒲欲剪時
丹砂新樣縷桃卮
祝君不用題黃絹
幼婦明朝進色絲

贈周學博初度

位置先生但一羶
常州學舍小如船
斜風屋裏留蘇轍

細雨燈前說鄭虔盡日移談槐樹下今朝進酒桂花前
後堂樂府應駢集豈爲諸生罷筦絃

廣陵濤信欲排空學海人披大國風九十秋光收硯北
二分明月在尊中青精飯煮由來足碧澗芹餐豈未豐
祝爾好拈都講語堂前三鱸卜三公

小瞻兄別業採秋花數十種因餉道柔靖元雲
湘蓼庭學人

七十園翁無所求自言身老爲花留正聞蟲語增花嘆
却怪人來與蝶謀櫻拂靜披香滿握荔衣親攬錦成兜
殷勤持贈悲秋客與我平分一掬秋

憶聖度弟

憶弟看雲月正殘荒寒村寄一身單家貧失學從來易
年少依人到底難竹屋夜缸吟慘淡蒲溪秋草夢闌珊
文成憐爾多攻苦一倍相思靜倚欄

社集餞湘雨和尚之楚兼送蓀服北遊

止酒行茶半畝宮樓亭清散類孤蓬愁分代北秋雲外
詩在湘南暮雨中摘遍園蔬充白小折殘堤柳怨黃公
征鴻別燕匆匆意望斷江天一席風

聯句

四月十九日芋莊香草堂燕集偶檢案頭元人集
有玉山草堂主人顧仲瑛宴客楊維禎輩於浣花
館聯句二十四韻時祀少陵先生喜其適相符也

酒酣依韻和之海棠顛董大倫爲之書

晴日驗遨頭蜀人白首未見浣花日雨清歡不衷甲嵌石旒蘭荃胡香

吳白甕響茗雪罄縣書則擁潘玠膝容斗非狹坊認碧雞

行陳鍊潭想金蓮插任氏浣衣生蓮事蕉濃薤簞鋪方辰薇弱湘籬

夾拯世慨八廚董大倫鑑人啓七匣爽襟颭風濠徐永宣渴

筆過雨霎文賢是誰雕香吳盟血何須噉晚笋媚青甕玠

早榴迎白袷杯承鶯語流鍊席換花陰壓味輕牛炙心

辰晷惜羊熟胛看平聲盤殘櫻存大倫添飢新梅招說餅玉

灣環永宣加飯珠淘甬相逢豈聚蚊興到且塗箒香吳庭閑

竹白籟徑深雲易溼沾唇弄藏爨玠卸衫却圍珥約臂

闌韻經撥鏡辨戈法鍊箋向枇杷搜亭取滄浪呷蜀人

傾城遊宴少陵先生草堂之滄浪亭古調中散彈新謳李摹摩辰柳路不

踉蹌風床任勦船今夕共婪杯來朝定飛札大倫客母虱

其筵藁必驢所笈平生厭陝輸至竟疎串狎風雅會有

歸麤彼葵丘歌永宣

亦鴻軒聯句

聊暇以逍遙僮荷况有鋪董大倫不速興已乘斯在靜而

恰胡香湘箔四嬋娟風爐一颺颯呂光皴石薄游鱗瘦

几承古鴨大倫絹拂桃花窗唐子畏畫東坡著屐圖篔江

也屏響眉山屨香吳張琴得稽阮展軸存董筮光頭藉茶

香扶肩與柳絲搭大倫昂然韓鬪雞許事沈食蛤香但借

酒行軍且住綦笮劫光衆綠既周身小紅又承睫大倫朱

榴態何驕黃楊氣微慳吳香進梅日雙壬數桐月再卅光孝

竹笑啓吟懷蘭語絕間滌倫大籬外有延之坐次無到洽

吳香羽飛矜寸晷鉢響醒眾魔光孝未曾吐筌篲豈用催鴨

鳩倫大觥錄小糾愆詩墀偶承乏吳香盟息黃池爭典剋杜

陵光孝裕鋪箋拂萋花浴硯供蕉葉倫大片雲催丈溝半雨

瀉巫峽吳香覩情獨繭繅吮句文魚吐光孝幽事錦裙徵強

韻矛頭押倫大何曾行馬貴合有勝衣怯吳香清暑或重過

蕭晨聽樓報光孝

梅坪詩鈔卷三終



兩行篆書文字，內容難以辨認，可能為藏書印或題跋。

程